

时疫白喉捷要
白喉全生集
合編

湖南省中医药研究所整理
湖南人民出版社出版

編號：(滬)1697

時疫白喉捷要
白喉全生集 合編

整理者：湖南省中醫師研究所

出版者：湖南人民出版社

(湖南省書刊出版營業許可證出字第—號)

長沙市新村路

印刷者：湖南省新華印刷廠

長沙市蔡偏中路

發行者：湖南省新華書店

開本：767×1092 1/32

印張：2 5/16

字數：33,000

1959年4月第一版

1959年4月第一次印刷

印數：1—4,000

統一書號：16109•39

定價：(6)二角

目 录

整理者說明

时疫白喉捷要

序

专治时疫白喉噤証論

白喉噤續論

白喉噤看法

白喉噤治法

諸方

无治之証

附录

制西瓜霜法

制苦瓜霜法

外治法

針法

附輯諸方

治驗医案

白喉全生集

自序

凡例

白喉証論

辨証法

辨脉法

用葯法

白喉熱証尙輕治法

白喉熱証漸重治法

白喉寒証尙輕治法

白喉寒証漸重治法

白喉虛熱証治法

白喉虛寒証治法

白喉寒熱錯雜証治法

白喉誤治坏証治法

白喉愈后補虛治法

妇人白喉証

小儿白喉証

白喉吹药

白喉杂治通用方

白喉針穴經絡法

針穴图

附录

医案

吹药

湖南淮川張紹修善吾氏著

時疫白喉捷要

以附桂炮姜投之。是謂抱薪救火。愈熾愈烈。其難四也。卽有知爲火毒。不可輕用升提開散之品。輒以芒硝大黃下之。不知此証已傳至上焦氣分。與中下焦無涉。既上焦氣分受傷。又以硝黃攻伐太過。使中下焦有損。元氣愈傷。其難五也。見証確。藥當守方。有火毒甚者。初起用消風敗毒引熱下行之劑。治法良是。乃日服二三劑而白不退。連服十數劑而白愈有加。是猶杯水車薪。與事無濟。治者當詳審病源。或舌胎黃黑。喉干唇焦。小便短澀微黃。大便瀉泄帶黑。是謂火毒凝結。內病不除。白何能淨。愈發白。愈守方。久久投之。自有效驗。若另更別方。必生变故。其難六也。察之既精。圖治不容緩。此乃瘟疫之變証。殺人最速。過七日不起。庸醫辨証未明。投以平淡之劑。不求有功。但求免過。是謂优容養奸。迨延至五六日。毒氣重矣。元氣傷矣。善治者不得不以猛劑攻之。然病已垂危。成則无功。一旦不起。病家不咎优容之過。反云猛劑非宜。此非誤于后而實誤于前。其難七也。有非白喉而轉爲白喉者。初起喉痛紅腫。或惡寒發熱。或不惡寒發熱。一邊腫名曰單蛾。兩邊腫名曰雙蛾。治之稍緩。則氣閉不起。宜用生土牛膝兜。引熱下行。大便閉。用大黃。否則不必用。此與白喉証異治同。倘不預防。轉爲白喉。爲禍甚烈。其難八也。又

专治时疫白喉嚨証論

白喉有时疫一証。其发有时。其傳染甚速。其病至危至險。治者每多束手无策。修考之諸書。临証日久。窃以为其治有十难焉。盖此証乃纏喉急癰。緩治則死。凡咽喉不利。口渴舌燥。頸腫目赤。耳痛唇紅。皆上攻头面之証。邪热客于心肺之間。似与他經无涉。其有兼及他經者。体气虛弱。邪气乘虛而入。皆后之傳变。名曰越經。时未傳及他經。不察其源。治以他經之藥。其难一也。大抵其証初起。惡寒发热。头痛背脹。精神倦怠。遍身骨节疼痛。喉內有极痛者。有微痛者。初无形迹可見。似伤寒伤风表証。若投以麻桂細辛羌防升柴苏叶之类。致涼渙散。无可挽回。其难二也。彼其惡寒发热。乃毒气初作于內。至二三日喉內現白。現后寒热自除。或者不悟。誤以为表藥有功。岂知白現后。即不服表藥而发热亦止耶。一起誤服羌防麻桂。非徒无益。而又害之。其难三也。按此病。热証多。寒証少。有以色白为寒者。不思此証初发于肺。肺屬金。其色白。为五脏六腑之华盖。处至高之位。毒气薰蒸。自下而上。肺病日深。故其本色日著。治宜解五脏之毒。使之下行。勿令蓄积于肺。若因色白。疑为寒証

「時疫白喉捷要」序

余家素有驗方之刻。分門別類。喉証亦居其中。然只載喉痹喉蛾等方。而白喉不与。緣其書鐫于乾隆間。彼時尚无此証也。洎道光中叶。此証時發。發輒傳染。甚至一空傷數人。而居鄉者倉卒不得醫藥。則受害尤酷。淮川（浏阳）茂才張先生善醫。夙究心岐黃之學。憫此証之慘且速。因出其緒余以活人。以投无不驗。尤好趨人之急。虽昏暮不憚勞。貧者与以藥餌。亦不取報。如是者盖十余年矣。客岁。諸弟偶患此疾。延先生医治。因得觀所刊時疫白喉一書。竊謂治法之妙。已尽于斯。先生曰。未也。更出其續論及諸方。盖欲穷此証之变。簡而能咳。余嘉夫先生利濟之心。勤勤无已。請并梓而行之。以补吾家驗方之闕。庶几遐陬僻壤。人得一編。患是証者。苟非阴虛寒証。依方治之。皆可立愈。抑亦寿世之宝筏也夫。同治八年。岁在屠維大荒落。孟陬月。湘西黃訓仁謹序。

有勞証白喉。陰虛火燥。痛極而水米難下。漸至朽爛。形容枯槁。面目憔悴。必需補劑。使元氣充滿。而喉痛自愈。若以時行疫証白喉。誤認陰虛。差之毫厘。失之千里。其難九也。更有一種白喉。無惡寒發熱等証。喉內起白皮。隨落隨長。的是寒証。非附桂不愈。即誤服消風敗毒之藥。亦無大損。若以時行疫証白喉。認為此証為害不淺。其難十也。知此十難。臨証審治。十不失一。難不終難。修持此法。活人多矣。時疫流行。而益不敢自秘。謹將看法治法方法。編次成書。非敢云濟世之良方。亦足為刀圭之一助云尔。

白喉嚨續論

白喉治法。浩渺无凭。修自稽考以來。時深討論。每臨編得其法。未必見其喉。臨病見其証。未必合其方。可見病態多端。惟貴圓通而知其要耳。修曾立白喉嚨証論一篇。以傳于世。奈白喉一証愈出愈險。有朝發夕死者。延街合巷。互相傳染。治之不速。十難全一。噫。真可慘也。竊此証乃瘟疫惡疾。必需詳申外証。細察脈情。看明喉嚨內兩边起白之多少。及小大厚薄。方可下藥。否則以輕劑而治重病。其禍甚烈。以重劑而治輕病。其害尤深。過猶不及。誠哉是

言也。其証初起。憎寒壯熱。口渴喉干。聲音不出。湯水不入。痰涎壅塞。服閉。疼痛異常。滿喉皆白。脈多洪數。甚者且无至數。此乃時行厉氣為病。喉証中最急者也。或者謂咽喉病。忌用寒涼。謬妄殊甚。每見投以荆防敗毒散。大承氣湯者。指不勝屈。不知以硝黃瀉胃中之實熱。是謂誅伐无過。病以适至其危篤。以羌防理太陽之游風。致使渙散其毒。病必漸入于膏肓。修立除瘟化毒散。神功辟邪散。神仙活命湯。已用之屢矣。皆能立起沉疴。但恐病勢太重。猶嫌葯力稍輕。再立龍虎二仙湯。日服三四劑。連服數日。不必更方。縱食不下咽。斷不至寒涼過度。胃氣告匱。所謂有病則病受也。白退而葯即止。徐徐調理。元氣不难充滿。惟証尤烈者。實火為患。臟腑積熱太深。堵塞咽喉隘地。呼吸不通。服雄黃解毒丸亦妙。究系厉劑。不可輕用。慎之慎之。然所論虽屬詳明。治者尤宜達變通權。兼以閱歷。方能隨手應效。活人之法。当无出此。若輕忽怠玩。耽擱日期。候面青唇黑。氣急痰壅。煩躁神昏。攻之不可。達之不及。虽盧扁復生。不可為也。管見如此。望高明酌之。

白喉嚨看法

初起惡寒發熱。頭痛背脹。遍身骨節疼痛。喉內或極痛。或微痛。或不痛而喉內微硬。有隨發而白隨現者。有至二三日而白始現者。或由白点白条白塊。漸至滿喉皆白。所治皆同。服藥后。喉內或白收緊。或白稀疏。或白微小。或白轉黃。久之必然退淨。但此病非比他病。貴在見几早。尤貴治者精。若心粗氣浮。輕視此証。有非白喉而妄稱為白喉。遽以猛劑攻之者。有真白喉又不識為白喉。僅以平劑投之者。有胎產婦女幼孩老人大病后。虛勞內傷。皆難任攻伐者。治不得當。鮮不輕者重。重者危矣。醫是病者。宜防護自己。不可空腹入患家看病。或飲雄黃酒一杯。或食大蒜。亦可保不傳染。且入臥房病人前。須先正其心。行坐語言。不可嬉戲。貪淫邪念。切不可起。

按：另一版本「重者危矣」下，「醫是病者」前有：「看法。將病人向光明處正坐。左手按喉際。右手持篋片或箸。按住舌心。細看喉嚨兩邊。系單雙蛾。系風火喉。看的。方好下藥。晚間。則用兩油紙擦。一照腦后。一照口內。方看得明」六十七字。本書后有附「寒火証一段，用低格印，當非原著本文。以對認証有幫

助，因录于下：「火証白喉。白块浮于肉上起凸。喉中紅腫。飲食喜冷惡熱。舌苔黃黑。甚至大小便不通。痛无已時。如系寒証虛証。則不紅不腫。飲食惡冷喜熱。天花板上紅絲數条。即間有白块。亦陷于肉內。凹而不凸。大小便如平時。喉中微痛。或嚥則痛。不嚥不痛。不得以治白喉之法治之。」

白喉嚥治法

初起。用份葛、玄參、蟬退以散風熱。以牛子、連翹、金銀花、土茯苓消腫敗毒。生地、元參、天冬、麥冬、清金生水。黃芩、黃連、梔仁、山豆根、生石膏瀉火救水。木通、澤瀉、車前仁引熱下行。重者再加馬勃、龍胆草。外用生大牛膝兜。或于未服藥之先。既服藥之後。煎水而服。再以万年青搗汁。或服或嚥。（按：另本有又每日食生青果十枚、十字。）輕者以除瘟化毒散主之。重者以神功辟邪散主之。再重者以神仙活命湯主之。輕則日服一二劑。重則日服三四劑。將疫毒由上焦引至中焦。由中焦引至下焦。从大小腸膀胱而出。大便高澀。火毒下行。此为吉兆。大便閉塞。少加熟大黃。如仍閉塞。改用生大黃。大便瀉即去。服十余劑愈者有之。服二三十劑愈者有之。以白点退淨为度。其分量藥味之加減。劑數之多寡。需臨証制宜。

不必另更別方。連日投之。自然全愈。屢試屢驗。同治丁卯冬。白喉險証極多。有漸至危篤者。延余診視。詢前所服之藥。皆消風敗毒。引熱下行之劑。治法良是。終莫能起。不解何故。余詳申外証。細察脈情。再三思之。想必是實火為患。熱毒凝結臟腑。虽用瀉火敗毒之藥。仍是杯水車薪。与病奚併。擬一龙虎二仙湯。日服四劑。服十余劑愈者有之。有服至二三十劑。而白尚未退淨。服雄黃解毒丸一劑。仍服龙虎二仙湯十余劑而愈。故逐處此方全活甚眾。謹將二方續列于后。以備選用。白点退完。當用清涼之品。以清心滌肺湯主之。日服一劑。徇尽余毒。再服養陰之劑。以養正湯主之。脾胃素虛者。用四君子湯。加生何首烏。金銀花。總賴以圓机行活法也。以上白喉治法。凡單蛾雙蛾喉癰及喉內紅腫。均可依法治之。但藥味需酌量加減。慎之慎之。

按：另一版本「以圓机行活法也」句下是：「如遇牙关緊閉。不能看証者。治以开关散即开。又或初起之时。及服藥之后。痛不可忍。呻吟言呬者。急以針法施之。兼用蒜泥拔毒散。蚰蜒辟毒散。并吹約。即松。如喉內頸項腫甚。以救急异功散傳之。以上白喉治法。除勞証白喉。寒証白喉之外。凡單雙蛾、喉癰、及喉內紅腫。均可依法治之。但藥味須酌量加減。慎之。」

除瘟化毒散

粉葛二錢

黃芩二錢

生地三錢

梔仁二錢

姜虫二錢

浙貝三錢

豆根二錢

木通二錢

蟬退一錢

甘草五分

冬桑叶二錢引

此方白喉初起宜之。凡单蛾双蛾及喉痛皆可服。

神功辟邪散

粉葛二錢

生地四錢

木通二錢

連翹二錢

姜虫三錢

浙貝三錢

黃芩二錢

牛子二錢

麦冬三錢
去心

銀花二錢

蟬退一錢

馬勃二錢（用絹包煎）

生青菓三个引（按：另一版本有「无生青菓用冬桑叶」八字。）

神仙活命湯

龙胆草錢

銀花二錢

黃芩三錢

土苓茯五錢

牛地四錢

木通二錢

生石膏三錢

浙貝三錢

前仁二錢

馬勃三錢（用絹包煎）

蟬退一錢

姜虫三錢

生青菓五个引（按：另一版本有「无生青菓用冬桑叶」八字。）

以上二方。白喉重者宜之。日服二三劑。少則不效。凡單蛾雙蛾喉癰。及喉內紅腫。去土茯苓金銀花馬勃。其餘藥。均可斟酌加減服之。

龍虎二仙湯

龍胆草二錢

大生地一兩

生石膏一兩

川黃連三錢

真犀角八錢

黑梔仁三錢

板藍根四錢

鼠粘子四錢

知母四錢

姜虫五錢

木通四錢

元參四錢

甘草一錢

黃芩五錢

馬勃四錢（用絹包煎）

大青葉五錢

粳米二合引

此方為白喉極險者而設。可日服三四劑。需臨証斟酌。不可亂投。

雄黃解毒丸

明雄黃

選透明者。研極細末。放水中。輕浮者用薄紙揭去。取澄定者晒干一兩。鬱

金晒燥。研極細末。過篩一錢。

巴豆

去壳。取白色肉十四粒。去皮。炒熟。研如泥。用紙包壓去油。

三味各如法制就。然后合研勻。用米醋煎濃汁。麵和為丸。菉豆大。每用

四分。茶湯泡軟。杵溶送下。小人減半。

纏喉走馬急証。治則死。雄黃能破結氣。鬱金能散惡血。巴豆斬關奪門。